

**ODLUKU  
O DOPUNI ODLUKE O PRIVREMENOJ MJERI  
ZABRANE PROMETA TRUPACA**

## I.

U Odluci o privremenoj mjeri zabrane prometa trupaca ("Službene novine Federacije BiH", broj 97/17) iza tačke III. dodaje se nova tačka III a. koja glasi:

"III a.

Ova odluka ne primjenjuje se u slučajevima prometa trupaca iz tačke II. ove odluke između pravnih i fizičkih lica koja imaju sjedište u Federaciji Bosne i Hercegovine i Brčko distriktu Bosne i Hercegovine."

## II.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 142/2018

01. februara 2018. godine

Sarajevo

Premijer

**Fadil Novalić**, s. r.

**FEDERALNO MINISTARSTVO PROMETA I  
KOMUNIKACIJA**

**153**

Na temelju članka 110. stavak (1) alineja 13. Zakona o cestama Federacije Bosne i Hercegovine ("Službene novine Federacije BiH", br. 12/10, 16/10 - isp. i 66/13), federalni ministar prometa i komunikacija donosi

**PRAVILNIK**

**O IZMJENI PRAVILNIKA O SUSTAVU NAPLATE  
CESTARINE NA AUTOCESTAMA, BRZIM CESTAMA I  
OBJEKTIMA S NAPLATOM U FEDERACIJI BOSNE I  
HERCEGOVINE**

## Članak 1.

U Pravilniku o sustavu naplate cestarine na autocestama, brzim cestama i objektima s naplatom u Federaciji Bosne i Hercegovine ("Službene novine Federacije BiH", broj 53/15) članak 7. stavak (1) točka b) mijenja se i glasi:

"Vozila oslobođena na temelju Sporazuma o statusu snaga (SOFA) za EUFOR i NATO stožer u Sarajevu u BiH kojim upravljaju pripadnici (vojno ili civilno osoblje) EUFOR-a ili NATO-a bilo u vojnoj ili civilnoj odori, bez obzira da li vozila imaju NATO-ve ili EUFOR-ove registracijske oznake ili druga obilježja NATO-a ili EUFOR-a, a uz obavezno predočavanje svoje identifikacijske kartice EUFOR-a ili NATO-a. Izuzetno, za pripadnike (vojno ili civilno osoblje) koji stižu u BiH kako bi služili u EUFOR-u/NATO stožeru u Sarajevu, ili pripadnike (vojno ili civilno osoblje) koji dolaze u službeni posjet EUFOR-u/NATO stožeru u Sarajevu, a koji nemaju identifikacijske kartice EUFOR-a/NATO stožera u Sarajevu, predočavaju svoje nacionalne identifikacijske kartice i putne naloge kojima potvrđuju njihovu povezanost sa EUFOR-om/NATO stožerom u Sarajevu."

## Članak 2.

Ovaj pravilnik stupa na snagu narednog dana od dana objave u "Službenim novinama Federacije BiH".

Broj 08-02-2-1950-5/17

26. siječnja 2018. godine

Ministar

**Denis Lasić**, v. r.

Na osnovu člana 110. stav (1) alineja 13. Zakona o cestama Federacije Bosne i Hercegovine ("Službene novine Federacije BiH", br. 12/10, 16/10 - isp. i 66/13), federalni ministar prometa i komunikacija donosi

**PRAVILNIK**

**O IZMJENI PRAVILNIKA O SISTEMU NAPLATE  
PUTARINE NA AUTOPUTEVIIMA, BRZIM  
PUTEVIIMA I OBJEKTIMA S NAPLATOM U  
FEDERACIJI BOSNE I HERCEGOVINE**

## Члан 1.

У Правилнику о систему наплате путарине на аутопутевима, брзим путевима и објектима с наплатом у Федерацији Босне и Херцеговине ("Службене новине Федерације БиХ", број 53/15) члан 7. став (1) тачка б) мијења се и гласи:

"Возила ослобођена на основу Споразума о статусу снага (СОФА) за ЕУФОР и НАТО стожер у Сарајеву у БиХ којим управљају припадници (војно или цивилно особље) ЕУФОР-а или НАТО-а било у војној или цивилној одори, без обзира да ли возила имају НАТО-ве или ЕУФОР-ове регистрацијске ознаке или друга обилежја НАТО-а или ЕУФОР-а, а уз обавезно показивање своје идентификационе картице ЕУФОР-а или НАТО-а. Изузетно, за припаднике (војно или цивилно особље) који стижу у БиХ како би служили у ЕУФОР-у/НАТО стожеру у Сарајеву, или припаднике (војно или цивилно особље) који долазе у службени посјет ЕУФОР-у/НАТО стожеру у Сарајеву, а који немају идентификацијске картице ЕУФОР-а/НАТО стожера у Сарајеву, показују своје националне идентификацијске картице и путне налоге којима потврђују њихову повезаност са ЕУФОР-ом/НАТО стожера у Сарајеву."

## Члан 2.

Овај правилник ступа на снагу наредног дана од дана објаве у "Службеним новинама Федерације БиХ".

Broj 08-02-2-1950-5/17

26. јануара 2018. године

Министар

**Денис Ласић**, с. р.

Na osnovu člana 110. stav (1) alineja 13. Zakona o cestama Federacije Bosne i Hercegovine ("Službene novine Federacije BiH", br. 12/10, 16/10 - isp. i 66/13), federalni ministar prometa i komunikacija donosi

**PRAVILNIK**

**O IZMJENI PRAVILNIKA O SISTEMU NAPLATE  
CESTARINE NA AUTOCESTAMA, BRZIM CESTAMA I  
OBJEKTIMA S NAPLATOM U FEDERACIJI BOSNE I  
HERCEGOVINE**

## Član 1.

U Pravilniku o sistemu naplate cestarine na autocestama, brzim cestama i objektima s naplatom u Federaciji Bosne i Hercegovine ("Službene novine Federacije BiH", broj 53/15) član 7. stav (1) tačka b) mijenja se i glasi:

"Vozila oslobođena na osnovu Sporazuma o statusu snaga (SOFA) za EUFOR i NATO stožer u Sarajevu u BiH kojim upravljaju pripadnici (vojno ili civilno osoblje) EUFOR-a ili NATO-a bilo u vojnoj ili civilnoj odori, bez obzira da li vozila imaju NATO-ve ili EUFOR-ove registracijske oznake ili druga obilježja NATO-a ili EUFOR-a, a uz obavezno pokazivanje svoje identifikacione kartice EUFOR-a ili NATO-a. Izuzetno, za pripadnike (vojno ili civilno osoblje) koji stižu u BiH kako bi služili u EUFOR-u/NATO stožeru u Sarajevu, ili pripadnike (vojno ili civilno osoblje) koji dolaze u službeni posjet EUFOR-u/NATO stožeru u Sarajevu, a koji nemaju identifikacijske kartice EUFOR-a/NATO stožera u Sarajevu, pokazuju svoje nacionalne identifikacijske kartice i putne naloge kojima potvrđuju njihovu povezanost sa EUFOR-om/NATO stožera u Sarajevu."

## Član 2.

Ovaj pravilnik stupa na snagu narednog dana od dana objave u "Službenim novinama Federacije BiH".

Broj 08-02-2-1950-5/17  
26. januara 2018. godine

Ministar  
**Denis Lasić**, s. r.

**USTAVNI SUD FEDERACIJE  
BOSNE I HERCEGOVINE****154**

Ustavni sud Federacije Bosne i Hercegovine, odlučujući o zahtjevu Načelnika Općine Olovo za zaštitu prava na lokalnu samoupravu u svezi sa Zakonom o slatkovodnom ribarstvu, na temelju članka IV.C.3.10.(3) Ustava Federacije Bosne i Hercegovine u svezi sa Amandmanom XCVI na Ustav Federacije Bosne i Hercegovine, na sjednici bez javne rasprave održanoj dana 29.11.2017. godine, donio je

**PRESUDU**

1. Utvrđuje se da je čl. 5. i 6., člankom 10. stavak 7., člankom 17. i člankom 18. stavak 6. Zakona o slatkovodnom ribarstvu ("Službene novine Federacije BiH", br. 64/04 i 27/10) povrijeđeno pravo na lokalnu samoupravu Općine Olovo.
2. Sukladno s člankom IV.C.12.b) Ustava Federacije Bosne i Hercegovine, Ustavni sud Federacije Bosne i Hercegovine određuje prijelaznu mjeru, kojom daje mogućnost Parlamentu Federacije Bosne i Hercegovine, da u roku od šest mjeseci od dana objavljivanja ove presude u "Službenim novinama Federacije BiH", uskladi Zakon iz točke 1. izreke ove presude sa Zakonom o načelima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), do kada se navedene odredbe mogu primjenjivati.
3. Presudu objaviti u "Službenim novinama Federacije BiH", "Službenim novinama Zeničko-dobojskog kantona" i "Službenom glasniku Općine Olovo".

**Obrazloženje****1. Podnositelj zahtjeva i predmet zahtjeva**

Načelnik Općine Olovo (u daljnjem tekstu: podnositelj zahtjeva) je aktom broj 02-01-1-2014/16 od 29.08.2016. godine podnio zahtjev za zaštitu prava na lokalnu samoupravu Općine Olovo (u daljnjem tekstu: zahtjev) koji je zaprimljen u Ustavnom sudu Federacije Bosne i Hercegovine (u daljnjem tekstu: Ustavni sud Federacije) dana 05.09.2016. godine. Podnositelj zahtjeva tvrdi da je pravo na lokalnu samoupravu Općine Olovo povrijeđeno Zakonom o slatkovodnom ribarstvu (u daljnjem tekstu: osporeni Zakon), koji je donio Parlament Federacije Bosne i Hercegovine.

Sukladno sa Amandmanom XCVI na Ustav Federacije Bosne i Hercegovine, podnositelj zahtjeva je ovlašten pokrenuti postupak za zaštitu prava na lokalnu samoupravu pred Ustavnim sudom Federacije.

**2. Stranke u postupku**

Stranke u postupku u ovom ustavnosudskom predmetu su, na temelju Amandmana XCVI na Ustav Federacije Bosne i Hercegovine i članka 9. Zakona o postupku pred Ustavnim sudom Federacije Bosne i Hercegovine ("Službene novine Federacije BiH", br. 6/95 i 37/03) Načelnik Općine Olovo kao podnositelj zahtjeva, te Parlament Federacije Bosne i Hercegovine kao donositelj osporenog Zakona.

**3. Bitni navodi zahtjeva**

U zahtjevu se polazi od činjenice da Općina Olovo leži na trima rijekama, a to su rijeke Krivaja, Bioštica i Stupčanica, te da vode i njihovi ekosustavi, čiji je sastavni dio i riblji fond, predstavljaju prirodno bogatstvo, ali i gospodarski resurs. Na tom

temelju se u zahtjevu ističe da ribarstvo predstavlja značajan gospodarski potencijal za ovu Općinu, te da očuvanje vodnog prirodnog bogatstva, razvoj ribarstva i na tom temelju ostvareni prihodi, predstavljaju razvojnu šansu za male i ekonomski nerazvijene općine.

Podnositelj zahtjeva navodi da osporeni Zakon nije donesen sukladno nadležnostima iz članka 8. Zakona o načelima lokalne samouprave u Federaciji Bosne i Hercegovine (u daljnjem tekstu: Zakon o načelima lokalne samouprave) kojim je, između ostalog, propisano da u vlastite nadležnosti jedinica lokalne samouprave ulaze: "utvrđivanje politike upravljanja prirodnim resursima jedinica lokalne samouprave i raspodjela sredstava ostvarenih temeljem njihovoga korištenja" (alineja 10).

Nadalje se ističe da prema odredbama osporenog Zakona ribolovna područja, odnosno dijelove ribolovnih područja, korisnicima (fizičkim i pravnim osobama) ustupa kantonalno ministarstvo za poslove poljoprivrede, uz naknadu koju utvrđuje vlada kantona na čijoj teritoriji se ribolovno područje nalazi, a sredstva uplaćena po tom temelju su prihod kantonalnog proračuna.

Zaključuje se da je osporenim Zakonom oduzeto pravo jedinici lokalne samouprave da utječe na stvaranje politike upravljanja ribljim fondom, jer kanton ustupa ribolovna područja i određuje visinu naknada, Federacija daje suglasnost na ribolovne osnove po pribavljenom mišljenju kantona, a kanton ubire naknade čija namjena nije utvrđena osporenim Zakonom.

Dalje se navodi kako je došlo do grube povrede Zakona o načelima lokalne samouprave time što u postupku donošenja osporenog Zakona nije izvršeno konzultiranje sa jedinicama lokalne samouprave u smislu članka 56. stavak 2. Zakona o načelima lokalne samouprave, kojim je propisano da konzultiranje sa jedinicama lokalne samouprave, tj. sa gradovima i općinama, federalna i kantonalne vlasti vrše posredstvom Saveza općina i gradova Federacije Bosne i Hercegovine, što po mišljenju podnosioca zahtjeva predstavlja povredu odredbe članka 4. stavak 6. Europske povelje o lokalnoj samoupravi, kojom je predviđeno da će lokalne vlasti biti konzultirane, u najvećoj mogućoj mjeri, blagovremeno i na odgovarajući način, u procesu planiranja i donošenja odluka u svim stvarima koje ih se direktno tiču.

Podnositelj zahtjeva zatim citira odredbe čl. 5. i 6., članka 10. stavak 7., članka 17. i članka 18. stavak 6. osporenog Zakona, i tvrdi: "Citiranim odredbama osporenog Zakona na direktan način je oduzeto pravo jedinici lokalne samouprave da stvaraju, pa čak i da utječu na stvaranje politike upravljanja ribljim fondom - kanton određuje i ustupa ribolovna područja, određuje visinu naknade, Federacija daje suglasnost za ribolovne osnove po pribavljenom mišljenju kantona, kanton ubire naknade (čija namjena Zakonom nije utvrđena) i sl."

Iz svega iznesenog podnositelj zahtjeva predlaže, da Ustavni sud Federacije nakon provedenog postupka i utvrđenja činjenica, donese presudu kojom će utvrditi da je osporenim Zakonom povrijeđeno pravo Općine Olovo na lokalnu samoupravu.

Uz zahtjev je dostavljen akt Saveza općina i gradova Federacije Bosne i Hercegovine broj 244/16 od 31.03.2016. godine, u kojem se potvrđuje da ovaj Savez nije bio konzultiran u postupku donošenja osporenog Zakona.

**4. Odgovor na zahtjev**

Sukladno s člankom 16. Zakona o postupku pred Ustavnim sudom Federacije Bosne i Hercegovine, Ustavni sud Federacije je aktom broj Ū-24/16 od 14.09.2016. godine zatražio od Zastupničkog doma i Doma naroda Parlamenta Federacije Bosne i Hercegovine da dostave odgovor na zahtjev podnosioca u roku od 30 dana. Ni jedan od parlamentarnih domova nije dostavio traženi odgovor.